

2001-06-09
aurkibidea

EUSKAL HERRIA**10****AEK: «Garzonen arrazoiak gezurra dira»**

AEK eta Galgaraka elkartearen diruaren kontrola administratzaile judizialaren esku uzteko Baltasar Garzonek esandakoa gezurra dela azaldu du alfabetatze erakundeak.

EUSKAL HERRIA**11****Presoen alde Parisen**

Euskal Herriko txoko askotatik autobus ugari abiatu zen bart Parisera, Frantziako hiriburura, gaur euskal presoen aldeko manifestazioan parte hartzeko.

EUSKAL HERRIA**15****UEU Miarritzen**

Mugaz bi aldeetako loturak garatzeko bitarteko juridikoak aztertuko ditu Udaleko Euskal Unibertsitateak Miarritzen, uztailaren 2tik 6ra bitartean.

EUSKAL HERRIA**16****Hitzordua, Trebiñon**

Arabako ikastolen jaia, Araban Euskaraz, Trebiñon ospatuko da, bihar. Argantzunen haur eskola eraikitzeko erabiliko da bildutako dirua.

NAZIOARTEKOA**26****Ruandako genozidioa**

1994an Ruandan gertatutako sarraskien errudun egin ditu Belgikako Justiziak Afrikako herrialde hartako lau lagun.

GAIAK**38****Osasunaren autogestioa**

Jorge Carvajal Kolonbiako mediku zirujauak osasunaren autogestioa aldarrikatu du, egungo «sintitzearen krisia» gainditzeko.

Egunkaria
euskaldunon 3.263. zenbakia

Ohorezko Lehendakaria: Martin Ugalde

Administratzaio Kontseiluko Lehendakaria: Joan Mari Torrealdai

Kontseilari Ordezkarria: Iñaki Uribe

Zuzendaria: Martxelo Otamendi

Gerentea: Mikel Sorozabal

Publizitatea: Idoia Sanz

Egoitza Nagusia: Gudarien etorbidea, z/g 20140 Andoain Tel.: 943300222
Erredakzio faxa: 943300255-943590354 Publizitateko faxa: 943300707

Webgunea: www.egunkaria.com

Posta elektronikoa: egunkaria@egunkaria.com

Publizitatea: publi@egunkaria.com



Batzorde Parekidea: 72664 E Lege Gordailua: SS 800/90 ISSN 1134-640X
OJDK IKUSKATURIKO HEDAPENA

ORDEZKARITZAK ■ **Araba:** San Antonio, 20-1 ezker. 01005 Gasteiz

Tel.: 945233872 Faxa: 945233873 Publizitatea: Tel.: 945131965


Nafarroa: Iratxe Monasterioa, 45-13. esk. (Irritzi dorrea) 31011 Iruñea

Tel.: 948178078-79 Faxa: 948178077 Tel.: Publizitatea: 948176686

Bizkaia: Egia Jenerala, 3-behea. 48010 Bilbo Tel.: 944104046 Faxa: 944103715

Tel.: Publizitate Orokorra: 944701199-80 Publizitate Lokala: 944701114

Lapurdi, Nafarroa Beherea, Zuberoa: Pannecau 14, 1 503 Posta
kubxatila, 64100 Baiona Tel.: 559593575 Faxa: 559257511

martintxo**hizpideak****Legealdi berria abian**

Legebiltzarreko Mahaiaren hautaketarekin ekin dio ibilbideari legealdi berriak Euskal Autonomi Erkidegoan. Espere zen moduan, EAJ-EAK eta EB-IUk bat egin dute Mahaiako eserlekuak nahi bezala banatzeko, eta bigarren mailako lekuak utzi dizkiete PPri eta PSE-EEri. EH, aldiz, Mahaitik kanpo geratu da, Legebiltzarreko laugarren indarra izanik, proportzionalitatearen arabera toki bat zegokion arren. Ulergarria da, beraz, gainerako alderdiek baztertu egin dutela salatzea eta Mahaian leku bat dagokiola aldarrikatzea. Egia da baita ere, ordea, joko parlamentarioaren logikaren barruan dagoela Jaurlaritza osatzeko akordioaren arabera osatzea Legebiltzarreko Mahaia ere. Halako bazterketak gatazka politikoaren konponbidearekin lotutako elkarriketetan gertatzea litzateke larria.



Eusko Legebiltzarreko Mahaia osatuta.

Gordelekurik ez munduko krimenentzat

Belgikako Justiziak urrats garrantzitsu bat egin du Ruandako genozidioagatik lau pertsona errudun direla erabakita: munduko edonon gertatzen den edozein krimen epai liteke jazo den lekutik kanpo. Errudunak (irakasle bat, ministro ohi bat eta bi moja katoliko) 12 urtetik hil arteko kartzelara zigortu ditu Justiziak, 1994ko sarraskietan parte hartzeagatik. Bereziki azpimarratzekoa da bi mojei egotzitako krimena; izan ere, horrek agerian uzten du Ruandan gertatutako sarraskien izugarrikeria. Mojek gasolina eman zieten hutuei, monasterio batean babestu ziren tutsiak hiltzeko, eta 700 bat hil ziren kiskalita.

«Erradikalizazio» garaia Tony Blairrentzat

Duela lau urteko hauteskundeetan lortutako emaitza onak ia errepikatuta, Alderdi Laboristak Tony Blairren bigarren agintaldian jarrera «erradikalagoa» hartuko zuela agindu zuen atzo, eta zerbitzu publikoak hobetzea izango zuela helburu. Europako Batasunarekiko elkarlan estuagoa eta euroari buruzko erreferenduma egitea izango dira beste xedeetako batzuk.

Blairren garaipena ziurtzat ematen bazen ere, Alderdi Kontserbadoreak lortu dituen baino emaitza hobeak espere zituen, euroeszeptizismoaren laguntzaz, besteak beste. Aurreko bozetan baino diputatu bat gehiago eskuratu zuen, ordea, eta Hague hautagaiak dimisioa aurkeztu zuen.

Maria Kisito eta Gertrude, Ruandako sarraskiengatik zigortuak.

**Urrezko Aizkora, indartzen ari den txapelketa bat**

Urrezko Aizkora antolatu zen lehen aldian —laugarrena da aurtengoa— parte ez hartzea erabaki zuen Miel Mindegia, ez zitziolako oso serioa iruditzen —hala onartu du—. Urteekin, ordea, txapelketa indartuz joan da, eta gaur egun aizkolariek garrantzi handia ematen diote. Mindegia bera eta Joxemari Olasagasti ariko dira finalean igandean, Azpeitian, iaz bezalaxe. Orduan, Olasagastik 33 segundoko aldea kendu zion Mindegia. Aurten, biak urtebete zaharragoak —Olasagastik 42 urte ditu, eta Mindegia 52—, Igeldokoa da berriro faborittoa, baina Ezkurakoak ez dio akatsik barkatuko.